



Arkivnr: 2014/16587-1  
Saksbehandlar: Sølve Dag Sondbø

## Saksframlegg

### Saksgang

Utval	Saknr.	Møtedato
Kultur- og ressursutvalet		03.06.2014
Fylkesutvalet		19.06.2014

## Regional plan for vassregion Rogaland - utsending på høyring

### Samandrag

Den regionale planen for vassregion Rogaland er ein plan etter vassforskrifta. Delar av kommunane Odda, Etne ligg i vassregion Vest-Viken og planen handsamast derfor politisk også i Hordaland fylkeskommune før utstending på høyring.

Tiltaksprogrammet for vassregion Rogaland har to tiltak for areala i Hordaland:

1. Røldalsvassdraget (Odda kommune) har fått prioritert for vilkårsrevisjon av kraftkonsesjon (inkludert naudsynt problemkartlegging og kost-nytte vurdering)
2. Problemkartlegging i Viksefjorden med nedbørfelt (Sveio og Haugesund).

### Forslag til innstilling

1. Fylkesutvalet vedtek i medhald av plan- og bygningslova § 8-3 å senda på høyring forslag til Regional plan for vassregion Rogaland, 2016-2021 med regionalt tiltaksprogram.
2. Høyringsperioden vert 1.7 – 31.12. 2014.

Johnny Eriksen  
fung. fylkesrådmann

Bård Sandal  
fylkesdirektør regional utvikling

*Saksframlegget er godkjent elektronisk og har derfor inga underskrift.*


**Vedlegg:**

1. Regional plan for vassforvalting i vassregion Rogaland 2016-2021
2. Regionalt tiltaksprogram for vassregion Rogaland 2016

**Fylkesrådmannen, 16.05.2014**

Vassdirektivet er eit rammedirektiv som EU gjorde gjeldande 22. desember 2000. Vassdirektivet vart gjort til ein del av EØS-avtalen i 2007 og legg rammer for all vassressursforvaltning i EØS-området. For å følge opp direktivet vedtok Noreg i 2007 «Forskrift om rammer for vannforvaltningen» (Vassforskrifta) som er heimla i forureiningslova, plan- og bygningslova og vassressurslova. Denne forskrifta gjev føringar for korleis Noreg skal gjennomføre arbeidet med heilskapleg vassforvaltning.

Det skal lagast regionale planar med tilhøyrande regionale tiltaksprogram for kvar av dei 11 vassregionane i Noreg. Grensene for vassregion Hordaland følgjer i hovudsak fylkesgrensene, men med nokre unntak. Vassregion Rogaland har areal i Odda, Etne og Sveio. Fylkesutvalet som regional planmyndigheit, må derfor godkjenne plandokumentane. Den største delen av Hordaland i Rogaland vassregion er Røldalsvassdraget i Odda kommune.



Figur 1 Inndelinga av vassregion Rogaland (svart strek) har avvik frå fylkesgrensa (raud strek)

Arealet i Hordaland sin del av vassregion Rogaland ligg i 2 vassområde.

Vassområde	Kommune med areal i vassområdet	Tiltaksanalyse
Hallingdal	Odda	<a href="#">TILTAKSANALYSE RYFYLKE</a>
Haugalandet	Etne, Sveio	<a href="#">TILTAKSANALYSE HAUGALANDET</a>

Planen for Vassregion Rogaland har to tiltak som gjeld Hordaland sitt areal:

Vassførekomst	Kommune	Tiltak
Viksefjorden med nedbørfelt	Sveio og Haugesund	Problemkartlegging (landbruk, avlaup m.m)
Røldalsvassdraget	Odda	Prioritert for vilkårsrevisjon av kraftkonsesjon (inkludert naudsynt problemkartlegging og kost-nytte vurdering)

Formålet med problemkartlegging i for Viksefjorden er å finne kjelder til belastning og moglege tiltak.

For Røldal-Suldalsvassdraget står det i tiltaksprogrammet (s 57):

«Er ikke omfattet i rapporten 49:2013. Må gis prioritet 1.1 – se begrunnelse i tiltaksanalyse for Ryfylke vannområde.

- Ny konsesjon bør tre i kraft når gjeldende konsesjonen utgår i 2022.

- Konsesjonsprosesser tar lang tid, derfor bør konsesjonsprosess starte i 2016. Det bør foretas full konsesjonsbehandling.

- Hensynet til vannmiljøet og kravene i vannforskriften må prioriteres og avklares gjennom konsesjonsprosessen.

- Momenter som er spilt inn til planprosessen:

- Utrede minstevannsføring og andre avbøtende tiltak i elver med tidligere anadrom strekning (i dag redusert), spesielt fremhevet er Roaldkvamsåna og Brattlandsåna. Tilbakeføre anadromstrending. Vurdere biotop forbedrende tilak med fokus på gyte- og oppvekstområder for anadrom fisk og storørret stammen i Suldalsvatnet. Herunder også gjøre kost-nytte vurderinger.

- Magasinrestriksjoner av hensyn til både vannmiljø og turisme/friluftsliv, spesielt fremhevet er Røldalsvatnet.

- Minstevannsføring av hensyn til naturmiljø, landskap, friluftsliv og turisme, er fremhevet for Risbuelva, Novlefoss, Kvesso og Nyastølelva»

#### Fylkesrådmannens vurdering:

Planarbeidet er gjennomført i samsvar med og etter tidsplanen i planprogrammet og bygger på eit godt kunnskapsgrunnlag. Planen er i samsvar med krava i vassforskrifta og plan- og bygningslova for utarbeiding av regional plan for vassregionen.

Fylkesrådmannen rår til at forslaget til Regional plan vassregion Rogaland og tilhøyrande tiltaksprogram vert lagt ut på høyring med høyringsperiode 1. 7 - 31.12. 2014.